



PRANUAR MË:  
ACCEPTED ON: 03-12-2020  
PRIMLJENO:  
Nr.No.Br. 02/480



REPUBLIKA E KOSOVËS

KUVENDI I KOMUNËS NË MALISHEVË

## RREGULLORE PËR PËRKUJDESJEN DHE MBROJTJEN E TË DREJTAVE TË FËMIJËVE

Në bazë të Kushtetutën e Republikës së Kosovës (Neni 50), nenit 12 paragrafi 2 pika c, nenit 17 shkronja i,k, nenit 40 paragrafi 2 pika a, të Ligjit nr.03/L-040 për Vetëqeverisjen Lokale (“Gazeta zyrtare e Republikës së Kosovës” nr.28/15, qershor 2008), nenit 14 dhe 15 të Ligjit nr.06/L-084 për Mbrojtjen e Fëmijës (“Gazeta zyrtare e Republikës së Kosovës” nr.14/17, Korrik 2019), Konventën për të Drejtat e Fëmijës, nenit 4 paragrafi 1 pika 1.2, nenit 14 paragrafi 1 pika 1.7, nenit 15, të Rregullores (MAPL) nr.01/2017 për Procedurën e Hartimit dhe Publikimin e Akteve të Komunës, Vendimit nr.02/410 datë: 03.11.2020, ftesës se debatit publik nr.11/1052 datë: 04.11.2020 në bazë të nenit 10 paragrafi 1 shkronja r, nenit 12 paragrafi 12.4 dhe 12.2, nenit 19 paragrafi 7 pika e, të Statutit të Komunës së Malishevës nr.01/871 të datës: 12.11.2008, Kuvendi i Komunës së Malishevës në mbledhjen e -VIII- (tetë) të mbajtur me datë: 30.11.2020 miraton ketë:

## RREGULLORE

# RREGULLORE PËR PËRKUJDESJEN DHE MBROJTJEN E TË DREJTAVE TË FËMIJËVE

## KAPITULLI I -

### DISPOZITA TË PËRGJTHSHME

#### Neni 1

#### Qëllimi

1. Me këtë rregullore përcaktohen rregullat dhe procedurat për përkujdesjen dhe mbrojtjen e fëmijës, në zbatim të Ligjit për mbrojtjen e fëmijës dhe kompetencave vetanake të Komunës së Malishevës, me qëllim të:

- 1.1. Mbrojtjes së fëmijës nga të gjitha format e dhunës fizike dhe mendore, abuzimit, keqpërdorimit, shfrytëzimit, neglizhimit apo ndonjë forme tjetër që vë në rrezik jetën, sigurinë, shëndetin, edukimin, arsimimin dhe zhvillimin e fëmijës;
- 1.2. përcaktimit të detyrave dhe përgjegjësive, të subjekteve për mbrojtjen e fëmijës, si dhe mënyrës së koordinimit, raportimit dhe bashkëpunimit të tyre me qëllim të kontributit në sistemin për mbrojtjen e fëmijës, si dhe
- 1.3. kontributit në krijimin e një komune mike për fëmijë.

#### Neni 2

#### Fushëveprimi

1. Kjo Rregullore:

- 1.1. zbatohet për përkujdesjen dhe mbrojtjen e fëmijës në të gjitha fazat, për të gjitha, masat, veprimet dhe vendimet, që kanë të bëjnë me fëmijën, nga të gjitha subjektet për mbrojtjen e fëmijës në Komunën e Malishevës, në përputhje me

obligimet e dala nga Ligji për mbrojtjen e fëmijës, këtë rregullore si dhe legjislacionin përkatës në fuqi, dhe

- 1.2. zbatohet për fëmijën me shtetësi kosovare, pa shtetësi, të pa regjistruar, azilkërkues, refugjat ose me shtetësi të huaj, brenda territorit të Komunës së Malishevës.
2. Dispozitat e kësaj Rregulloreje nuk mund të merren si kufizim apo pakësim i të drejtave ekzistuese të fëmijës të përcaktuara me Kushtetutën e Republikës së Kosovës, Ligjin për mbrojtjen e fëmijës, Konventën për të Drejtat e fëmijës ose me instrumentet ndërkombëtare që rregullojnë këtë fushë, si dhe me legjislacionin tjeter në fuqi.

### Neni 3 Përkufizimet

1. Shprehjet e përdorura në këtë Rregullore kanë këtë kuptim:
  - 1.1. **Administrata komunale**- të gjithë personat e punësuar nga autoriteti komunal siç përkufizohet në Ligjin nr. 03/L-040 për vetëqeverisjen lokale (Gazeta Zyrtare, nr. 28, 04 qershor 2008);
  - 1.2. **Fëmijë** –nënkupton çdo qenie njerëzore nën moshën tetëmbëdhjetë (18) vjeç, me përjashtim të rasteve kur mosha madhore arrihet më përpëra, në përputhje me legjislacionin të cilit ai i nënshtrohet. Në rastin kur mosha e personit nuk është plotësisht e përcaktuar, por ekzistojnë arsyë që lënë të nënkuftohet se personi është fëmijë, ky person konsiderohet fëmijë, derisa mosha e tij të jetë përcaktuar plotësisht;
  - 1.3. **Komunë mike ndaj fëmijës** - nënkupton sistemin e qeverisjes së mirë lokale me fëmijën në qendër, e zotuar për zbatimin dhe realizimin e plotë të të drejtave të fëmijës në nivelin më të lartë të arritshëm, që garanton respektimin dhe zbatimin efektiv të të drejtave të fëmijës, dhe që konsideratë mbizotëruese ka interesin më të mirë të fëmijës, mos diskriminimin, mbrojtjen e dinjitetit dhe pjesëmarrjen e fëmijës, duke i dhënë vëmendjen e duhur nivelit të pjekurisë, të kuptuarit e fëmijës dhe rrethanave të rastit;
  - 1.4. **Komunë** – Komuna e Malishevës, njësi e vetëqeverisjes lokale, në territorin dhe me kufijtë administrativë të përcaktuar sipas Ligjit nr. 03/L-041 për kufijtë administrativ të komunave (Gazeta Zyrtare, nr. 26, 2 qershor 2008);
    - 1.1. **Konventa mbi të drejtat e fëmijës/Konventa** - Konventa mbi të drejtat e fëmijës, e miratuar nga Asambleja e Përgjithshme e Organizatës së Kombeve të Bashkuara më 20 nëntor 1989;
    - 1.2. **Kryetar**- Kryetari i Komunës së Malishevës;
    - 1.3. **Kushtetutë** - Kushtetuta e Republikës së Kosovës;
    - 1.4. **Kuvend**- Kuvendi i Komunës së Malishevës;

- 1.5. **Ligj - Ligji Nr. 06/L-084 pér mbrojtjen e fëmijës** (Gazeta Zyrtare nr. 14, 17 korrik 2019);
  - 1.6. **Ligji pér bashkëpunim ndërkomunal** - Ligji nr. 04/L-010 pér bashkëpunim ndërkomunal (Gazeta Zyrtare, nr. 7, 10 gusht 2011);
  - 1.7. **Ligji pér shërbime sociale dhe familjare** - Ligji nr. 02/L-17 pér shërbime sociale dhe familjare (Gazeta Zyrtare nr. 12, 01 maj 2007) dhe Ligji nr. 04/L-081 pér ndryshimin dhe plotësimin e Ligjit nr. 02/L-17 pér shërbime sociale dhe familjare (Gazeta Zyrtare, nr. 5, 05 prill 2012);
  - 1.8. **Mbrojtja e fëmijës** - nënkupton parandalimin dhe përgjigjen ndaj dhunës, keqtrajtimit, abuzimit, shfrytëzimit dhe neglizhimit, rrëmbimit, shfrytëzimit seksual, trafikimit dhe punës së fëmijës në dhe jashtë shtëpisë;
  - 1.9. **Ministri** - Ministria përkatëse pér Punë dhe Mirëqenie Sociale;
  - 1.10. **Në të gjitha fazat** - përfshinë të gjitha procedurat në të cilat fëmija është në kontakt me subjektet pér mbrojtjen e fëmijës;
  - 1.11. **Organe komunale** - nënkupton kuvendin dhe kryetarin;
  - 1.12. **Përfaqësues ligjor-** nënkupton prindin/ërit ose personin, që ushtron autoritetin prindëror apo kujdestarin, i cili, brenda përgjegjësive, që i janë dhënë nga legjislacioni në fuqi nga gjykata, ose nga Organi i Kujdestarisë, mbron interesat e fëmijës nëpërmjet kryerjes apo jo të veprimeve juridike, në emër ose pér llogari të fëmijës;
  - 1.13. **Qendra pér Punë Sociale/QPS** - është institucion publik profesional, kompetent pér koordinimin dhe organizimin e sistemit të integruar të mbrojtjes së fëmijës në kuadër të komunës;
  - 1.14. **Statut** - Statuti i Komunës së Malishevës nr.01/871, i datës 12.11.2008.
  - 1.15. **Subjekt pér mbrojtjen e fëmijës** – nënkupton çdo person të punësuar nga autoriteti komunal, administrativë komunale, institucion komunal, organ komunal, institucion qendror që vepron në nivel komunal, shërbimet dhe qendrat pér kujdesin dhe mbrojtjen e fëmijëve, të cilat janë nën administrimin e Komunës, apo që veprojnë në nivel komunal, profesionistë pér mbrojtjen e fëmijës dhe çdo person apo subjekt tjetër që ka përgjegjësi sociale dhe ligjore pér t'u angazhuar në përkujdesjen, mbrojtjen dhe promovimin e të drejtave të fëmijëve;
  - 1.16. **Zyra pér Qeverisje të Mirë/ZQM** - nënkupton Zyrën/Njësinë përkatëse pér Qeverisje të Mirë në kuadër të Zyrës së Kryeministratit.
2. Termat tjerë të përdorura në këtë rregullore kanë kuptimin e njëjtë me përkufizimet e dhëna në Ligjin pér mbrojtjen e fëmijës, Ligjin pér Vetëqeverisjen Lokale, dhe Statutin.

## KAPITULLI II -

## PARIMET E PËRKUJDESJES DHE MBROJTJES SË FËMIJËS

### Neni 4

#### Mbrojtja e jetës dhe të drejtave të fëmijës

Mbrojtja e jetës dhe të drejtave të fëmijës është detyrimi kryesor, në masën maksimale të mundshme, për çdo përfaqësues ligjor, person, subjekt për mbrojtjen e fëmijës, institucion apo organ tjetër në territorin e Komunës së Malishevës.

### Neni 5

#### Parimet përmbrrojtjen e fëmijës dhe interesin më i mirë i fëmijës

1. Të gjitha veprimet dhe vendimet, në të gjitha fazat, që kanë të bëjnë me fëmijën, të ndërmarra nga përfaqësuesit ligjor dhe subjektet përmbrrojtjen e fëmijës të Komunës së Malishevës, duhet të jenë në përputhje me parimet dhe dispozitat e Ligjit, që përfshin edhe interesin më të mirë të fëmijës.
2. Për të siguruar interesin më të mirë të fëmijës, duhet të respektohen parimet e përcaktuara në Ligj dhe asnje interpretim i supozuar i asaj se çka është në interesin më të mirë të fëmijës nuk mund të justifikojë shkeljen e çfarëdo të drejte të njohur nga Kushtetuta, Konventa, Ligji dhe Ligji përm Shërbime Sociale dhe Familjare.
3. Përfaqësuesit ligjor dhe subjektet përmbrrojtjen e fëmijës, në të gjitha fazat dhe në të gjitha veprimet dhe vendimet, që kanë të bëjnë me fëmijën, koordinojnë masat dhe veprimet e tyre përm të siguruar interesin më të mirë të fëmijës.

### Neni 6

#### Parimi i trajtimit të barabartë të fëmijës

Përfaqësuesit ligjor dhe subjektet përmbrrojtjen e fëmijës, në të gjitha fazat dhe në të gjitha veprimet dhe vendimet, që kanë të bëjnë me fëmijën, gjatë ushtrimit të detyrave të tyre dhe gjatë hartimit të politikave dhe legjislacionit, duhet të veprojnë në përputhje me parimin e trajtimit të barabartë të fëmijës dhe të marrin të gjitha masat e duhura, me qëllim, që fëmija të jetë i mbrojtur nga të gjitha format e diskriminimit, sipas kuptimit të cilido nga bazat e përcaktuara në dispozitat përkatëse të Ligjit përmbrrojtjen nga diskriminimi.

### Neni 7

#### Fryma e edukimit të fëmijës

Të gjithë përfaqësuesit ligjor dhe subjektet përmbrrojtjen e fëmijës në Komunën e Malishevës, duhet të përkujdesen që fëmijët të rriten në mëndis familjar, në një atmosferë lumturie, dashurie

dhe mirëkuptimi, në mënyrë që të edukohen në fryshten e paqes, të dinjitetit, tolerancës, lirisë, barazisë dhe solidaritetit, dhe fëmijët të përgatiten plotësisht për të bërë një jetë individuale në shoqëri, e cila nxite zhvillimin e potencialit të plotë të fëmijës.

### **Neni 8** **Vlerësimi i ndikimit tek fëmijët**

1. Organet kompetente dhe administrata komunale, me qëllim të identifikimit të natyrës, përmasave dhe nevojës për mbrojtjen e fëmijës, e bëjnë në mënyrë të rregullt vlerësimin e ndikimit të aspekteve të qeverisjes lokale tek fëmijët dhe zhvillojnë procesin për vlerësimin e ndikimit të politikave, legjislacionit, strategjive e planeve të veprimit dhe programeve përfëmijë.
2. Vlerësimi fillon në fazë të hershme, gjatë analizës së situatës së fëmijëve dhe ndikimit të ndërhyrjeve tek fëmija, përfshirë vendime bazuar në interesin më të mirë të fëmijës.
3. Vlerësimi i ndikimit në fëmijë të aspekteve të qeverisjes lokale, duhet të rezultojë me rekomandime përfshirësimë si dhe me veprime dhe politika që duhet të ndërmarrën nga organet komunale në mënyrë që të krijohet një komunë mike përfëmijë si dhe
4. Vlerësimi i ndikimit të aspekteve të qeverisjes lokale tek fëmijët mund të bëhet edhe nga organizata të shoqërisë civile, të cilat mund t'i referojnë të gjeturat tek organet komunale.

## **KAPITULLI III - PËRKUJDESJA DHE MBROJTJA E FËMIJËS**

### **Neni 9** **Përgjegjësia prindërore dhe familjare për përkujdesjen përfëmijën**

1. Mbrojtja kryesore e të drejtave të fëmijës nis në familje, nga prindërit ose kujdestarët.
2. Interesi më i mirë i fëmijës përbushet kur nevojat e zhvillimit të tij fizik dhe psikologjik, plotësohen brenda kontekstit të familjes së tij biologjike. Të gjithë subjektet duhet të bëjnë çdo përpjekje të promovojnë, mirëqenien e fëmijës në suaza të familjeve të tyre biologjike përmes ofrimit të përkujdesjes, mbrojtjes dhe këshillimit social dhe në raste të jashtëzakonshme, asistencës materiale.
3. Familja, ka përgjegjësi primare përfshirës së rritjen, mirëqenien, edukimin dhe mbrojtjen e fëmijës. Përfaqësuesit ligjor dhe anëtarët e tjera të familjes janë përgjegjës përfshirës së mbrojtjen e fëmijës nga të gjitha aktet dhe situatat që e vënë fëmijën në rrezik, nga të gjitha format e dhunës fizike dhe mendore, neglizhim, abuzim, keqtrajtim, dhe shfrytëzim, dhe përgjegjësitë tjera të përcaktuara në Ligj.
4. Përfaqësuesit ligjor janë të obliguar në radhë të parë të përkujdesen përfshirës së sigurimin e të drejtave dhe detyrave që kanë përfshirës së sigurimin e mirëqenies emocionale, sociale dhe materiale të fëmijës, duke u kujdesur dhe mbajtur raporte vetanake me fëmijën dhe obligimin përfshirës së sigurimin e të drejtave.

t'i siguar fëmijës jetën, sigurinë, shëndetin, mirërritjen, edukimin, arsimimin, përfaqësimin ligjor dhe administrimin e pasurisë së fëmijës.

5. Organet dhe administrata komunale dhe profesionistët për mbrojtjen e fëmijës, në të gjitha veprimet dhe vendimet, që kanë të bëjnë me fëmijën duhet të ndërmarrin të gjitha masat e nevojshme për të siguar integrimin e fëmijës në familje dhe shoqëri dhe të bëjnë çdo përpjekje të promovojnë, mirëqenien e fëmijës në suaza të familjeve të tyre biologjike përmes ofrimit të përkujdesjes, mbrojtjes dhe këshillimit social dhe në raste të jashtëzakonshme, asistencës materiale.

6. Fëmija mund të largohet nga kujdesi i përfaqësuesit ligjor, vetëm në rastet siç përcaktohet me legjislacioni në fuqi.

#### Neni 10

#### Ndihma prindërve dhe familjeve në përkujdesjen për fëmijën

1. Subjektet përkatëse për mbrojtjen e fëmijës respektojnë përgjegjësinë kryesore të përfaqësuesve ligjor dhe familjes për përkujdesjen për fëmijën.

2. Subjektet përkatëse për mbrojtjen e fëmijës ofrojnë mbështetjen e nevojshme për të parandaluar dhe pakësuar risqet e mundshme me të cilat mund të përballen fëmijët dhe për t'i pajisur prindërit me aftësitë përkatëse jo të dhunshme dhe proaktive për të rritur fëmijët, mbështesin përfaqësuesit ligjor në rritjen e fëmijës së tyre dhe duhet të sigurojnë ndihmat e nevojshme të familjes në nevojë, madje qysh në fazat e hershme kur një gjë e tillë del të jetë e nevojshme, si dhe t'i referojë fëmijën dhe familjen në shërbimet e mbrojtjes së fëmijës, sipas masave të përcaktuara nga legjislacioni në fuqi.

3. Subjektet përkatëse për mbrojtjen e fëmijës, në kuadër të detyrave dhe përgjegjësive të tyre, ndihmojnë dhe ndërhyjnë në familje, në bazë të referimit apo në raste kur familja nuk është në gjendje apo kur ekziston dyshimi i bazuar se familja nuk është në gjendje që të mbrojë fëmijën nga rreziku për jetë, dhuna, neglizhimi, keqtrajtimi, abuzimi dhe shfrytëzimi. Në këtë drejtim, subjektet për mbrojtjen e fëmijës, në kuadër të detyrave dhe përgjegjësive të tyre, janë të obliguara t'u dalin në ndihmë familjeve në përkujdesjen për fëmijën dhe duhet t'i kushtojnë vëmendje të veçantë:

- 3.1. familjeve në nevojë, që u nevojitet ndihma në përkujdesjen për fëmijën për shkak të gjendjes së tyre ose gjendjes së fëmijës
- 3.2. fëmijës pa përkujdesje prindërore,
- 3.3. fëmijës së neglizhuar, abuzuar apo keqtrajtuar,
- 3.4. fëmijës i cili bie në konflikt me ligjin si dhe
- 3.5. fëmijës që i përket grupeve të ndryshme shoqërore apo komuniteteve të caktuara.

4. Mbrojtja e fëmijës realizohet nëpërmjet marrjes së masave të mbrojtjes, realizimit të ndërhyrjeve për respektimin e të drejtave të fëmijës dhe ofrimit të shërbimeve, sipas nevojave, të cilat synojnë zhvillimin dhe mirëqenien e fëmijës në mjedisin e tij familjar ose duke e vendosur atë në përkujdesje alternative, kur fëmija është i privuar në mënyrë të përkohshme apo të

përhershme nga përkujdesja dhe mbrojtja e prindërve, ose kur për shkak të interesit të tij më të mirë, ai nuk mund të lihet në përkujdesjen e prindërve.

5. Ndërhyrjet dhe shërbimet duhen bazuar mbi njohuri të shëndosha të nevojave të fëmijëve dhe familjeve, dhe duhet të jenë të përshtatura për fëmijën. Të cilat (ndërhyrjet dhe shërbimet) realizohen nga institucionet kompetente që trajtojnë zhvillimin psiko fizik dhe shëndetësor të fëmijëve.

### **Neni 11**

#### **Obligimet e komunës ndaj fëmijës**

1. Komuna e Malishevës, përkujdeset që në territorin e saj, nga të gjitha subjektet për mbrojtjen e fëmijës dhe në të gjitha fazat, të zbatohen plotësisht, të gjitha të drejtat e fëmijës.

2. Organet dhe administrata komunale si dhe subjektet për mbrojtjen e fëmijës, janë përgjegjës për sigurimin e shërbimeve dhe masave parandaluese, mbrojtëse dhe riintegruese për mbrojtjen e fëmijës në territorin e Komunës. Për këtë qëllim, sipas përgjegjësive të përcaktuara në Ligj, duhet të:

- 4.1. Të bëjnë regjistrimin e fëmijëve në librat e gjendjes civile duke bashkëpunuar ngushtë me Qendrat e Mjekësisë Familjare, Spitalet rajonale, QKUK-ën, Kryetarët e fshatrave dhe komunitetin shkollor.
- 4.2. Të bëjnë vlerësimin e zhvillimit psiko-fizik dhe përgjithsisht shëndetësor për çdo fëmijë të apo lindur përmes angazhimit të organeve profesionale mjekësore duke bashkëpunuar me QKUK-ën, Ordinancat Profesionale apo me Autoritetet kompetente Shëndetësore.
- 4.3. marrin hapa për të identifikuar natyrën dhe përmasat e nevojës për mbrojtjen e fëmijës brenda territorit të Komunës;
- 4.4. zhvillojnë masa për të parandaluar rreziqet që rrezikojnë mirëqenien dhe zhvillimin e fëmijës, nevojën e fëmijës për ndihmë dhe për të zgjedhur problemet ekzistuese;
- 4.5. zhvillojnë programe dhe projekte për të garantuar të drejtat dhe mirëqenien e fëmijës, për parandalimin dhe reduktimin e faktorëve që vënë në rrezik jetën dhe integritetin moral, fizik, psikologjik e emocional të fëmijës;
- 4.6. organizojnë takime informuese, promovuese, edukuese dhe trajnuese për mbrojtjen e fëmijës, duke koordinuar dhe harmonizuar veprimet përmes shërbimeve të integrarë të sektorëve të edukimit, shërbimeve sociale, shëndetësisë dhe organizatave të tjera qeveritare, joqeveritare dhe komunitetit, për vetëdijesimin e komunitetit dhe arritjen e rezultateve konkrete dhe të sigura për fëmijët të cilët nuk kanë qasje në shërbimet ekzistuese;
- 4.7. promovojnë artin, kulturën dhe sportin në institucionet arsimore dhe më gjerë;
- 4.8. krijojnë një sistem që të jenë më pranë fëmijëve në nevojë dhe sipas nevojave përofrimin e financimit emergjent për fëmijë;

- 4.9. përkrahin ekzekutimin e masave të diversitetit, masave edukative dhe dënimeve për fëmijë që kanë rënë ndesh me ligjin;
- 4.10. zhvillojnë praktika të prindësisë së mirë dhe promovimit shëndetësor;
- 4.11. krijojnë mundësi të barabarta për të gjithë fëmijët për t'u regjistruar në shkollë, për ta vijuar dhe për përfunduar atë;
- 4.12. inkurajojnë dhe i mbështesin organizatat e të rinjve dhe fëmijëve dhe u ofrojnë mbështetje organizatave të shoqërisë civile, për të zhvilluar kapacitetet e tyre për të ndikuar në vendimmarrjen e pavarur në fushën e të drejtave të fëmijëve;
- 4.13. komunikojnë dhe mund të krijojnë partneritet me institucionet qendrore dhe organizatat dhe institucionet e pavarura, organizatat e shoqërisë civile, grupet e të rinjëve dhe mediat për t'i promovuar të drejtat e fëmijëve, në mënyrë që në komunë të sigurohet një mjedis i sigurtë për fëmijët.

3. Subjektet për mbrojtjen e fëmijës, kryejnë shërbime sociale dhe familjare brenda territorit të Komunës, sipas përgjegjësive të përcaktuara në Ligjin për shërbime sociale dhe familjare, standardeve të specifikuara nga Ministria dhe me legjislacionin përkatës në fuqi.

## Neni 12

### Komuna e Malishevës: Komunë mike ndaj fëmijës

1. Komuna e Malishevës e përkushtuar në zbatimin e konceptit: Komunë mike për fëmijë, e cila do të mundësojë gjithë përfshirje të fëmijës në përbushjen e të drejtave të tyre, duke ofruar mbështetje në realizimin dhe jetësimin e qëllimeve për një mirëqenie më të mirë për fëmijët dhe përkujdeset që të gjitha organet dhe administrata komunale, në kuadër të detyrave dhe përgjegjësive të tyre përkatëse, të marrin masa dhe veprime për të siguruar që çdo fëmijë në territorin e komunës do të:

- 1.1. ndjehet i sigurtë në rrugë, shkollë dhe në mjedisin ku jeton;
- 1.2. mbrohet nga shfrytëzimi, dhuna, abuzimi apo çfarëdo rreziku tjetër që mund të vijë si rezultat i moshës apo gjinisë;
- 1.3. këtë qasje në burime të ujit të pastër dhe të jetojë në një mjedis të pastër dhe me hapësira të gjelbra;
- 1.4. pranojë shërbimet kryesore, si kujdesi shëndetësor, arsimimi dhe kujdesi alternativ;
- 1.5. ketë të drejtë të dëgjohet, të shprehë lirisht opinionet e tij dhe të marr pjesë në proceset vendimmarrëse të rëndësishme lidhur me jetën e tij, si dhe të ndikojnë në vendimet lidhur me ta - në familje, shkollë, komunitet dhe shoqëri;
- 1.6. këtë në disponim hapësira të mjaftueshme dhe të sigurta për lojëra dhe argëtim;
- 1.7. marrë pjesë në ngjarjet kulturore, sportive, rekreative dhe sociale;
- 1.8. këtë qasje të barabartë në secilin shërbim të ofruar nga Komuna, pa asnjë diskriminin në cilido nga bazat e përcaktuara në dispozitat përkatëse të Ligjit për

mbrojtjen nga diskriminimi, me fokus të veçantë në kategoritë e fëmijëve në nevojë;

2. Subjektet për mbrojtjen e fëmijës kanë përgjegjësi sociale dhe ligjore për t'u angazhuar në mbrojtjen dhe promovimin e të drejtave të fëmijëve, në përputhje me konceptin e Komunës mike për fëmijë.

3. Organet dhe administrata komunale në çdo plan vjetor për të drejtat e fëmijës duhet të parashohin masa dhe veprime konkrete për realizimin e konceptit të Komunës mike për fëmijë.

### **Neni 13** **Detyrimi i raportimit për dhunën ndaj fëmijës**

1. Subjektet për mbrojtjen e fëmijës dhe çdo person që punonë me dhe për fëmijët dhe çdo pjesëtar i profesionit të mësuesisë, infermierisë, mjekësisë, stomatologjisë, psikologjisë ose i policisë apo profesionist tjetër që ka për detyrë përkujdesjen për fëmijët, i cili dyshon ose ka dëshmi se që ndaj fëmijës, qoftë nga ana e prindit ose përkujdesësit të tij apo nga cilid person, është ushtruar çdo formë e dhunës fizike ose mendore, keqtrajtimi, braktisja, abuzimi, neglizhimi dhe shfrytëzimi është i obliguar që të raportojë rastin, me shkrim ose gojarisht në Polici ose në Qendrën për Punë Sociale ose tek mbrojtësi i viktimave, në pajtim me legjislacionin në fuqi që rregullon këtë çështje.

2. Detyra dhe mënyra e raportimit të dhunës ndaj fëmijës duhet të jenë pjesë e programeve të rregullta të trajnimeve, kur përgatiten profesionistët e ardhshëm që do të punojnë me dhe për fëmijët. Kjo duhet të bëhet edhe përmes fushatave të ndryshme promovuese duke përfshirë edhe udhëzimet përkatëse për mënyrën dhe vendin e raportimit.

3. Pamundësia e subjekteve dhe personave të përcaktuara në paragrafin 1 të këtij nenit, për të raportuar, sanksionohet sipas ligjit në fuqi.

### **Neni 14** **Plani vjetor për të drejtat e fëmijës**

1. Njësia apo Zyrtari përkatës për mbrojtjen e fëmijës, në kuadër të komunës, udhëheq procesin e hartimit të planit të veprimit si dhe rishikon zbatimin e planit në baza vjetore, bazuar ne vetëvlerësimin komunal.

2. Gjatë hartimit dhe zbatimit të planit vjetor për të drejtat e fëmijës:

- 2.1. Njësia apo Zyrtari përkatës për mbrojtjen e fëmijës bashkëpunon me institucionet qëndrore apo lokale përkatëse, organizatat e shoqërisë civile, profesionistët që punojnë për dhe me fëmijët, dhe grupet e tjera relevante;
- 2.2. Obligohen të gjitha njësítë përkatëse të komunës të japid kontributin e tyre dhe të marrin pjesë aktive dhe të ofrojnë të dhënat përkatëse;
- 2.3. Fëmijët duhet dëgjuar dhe inkurajuar që të kontribuojnë dhe që pikëvështrimet e tyre duhet të merren në konsideratë;

- 2.4. Duhet marrë parasysh nevojat dhe specifikat e fëmijëve në Komunë; si dhe
  - 2.5. duhet bazuar në të dhëna dhe njohuri shkencore për mbrojtjen e fëmijës
3. Plani i veprimit për të drejtat e fëmijës duhet të përcaktojë:
  - 3.1. Prioritet;
  - 3.2. objektiva realiste;
  - 3.3. masat përkatëse;
  - 3.4. njësitë përgjegjëse dhe
  - 3.5. afatet;
4. Hartimi dhe zbatimi i Planit vjetor vjetor për të drejtat e fëmijës, duhet mbështetur me burime njerëzore dhe financiare, dhe vlerësimi i tyre duhet bërë në mënyrë sistematike.
5. Plani vjetor vjetor për të drejtat e fëmijës miratohet në Kuvend.

## KAPITULLI IV – MEKANIZMAT KOMUNAL PËR MBROJTJE TË FËMIJËS

### Neni 15 Mekanizmat për mbrojtje të fëmijës

1. Mekanizmat për mbrojtje të fëmijës, përgjegjëse për zbatimin e kësaj rregulloreje, janë:
  - 1.1. Kryetari i komunës;
  - 1.2. Drejtoritë dhe njësitë përkatëse komunale sipas fushës që mbulojnë në lidhje me të drejtat e fëmijës;
  - 1.3. Qendra për Punë Sociale;
  - 1.4. Ekipi për të Drejtat e Fëmijës;
  - 1.5. Njësia/Zyrtari përkatës për mbrojtjen e fëmijës;
  - 1.6. Institucionet shëndetësore;
  - 1.7. Institucionet arsimore publike dhe jopublike në nivelet arsimore parashkollore, fillore, të mesém të ulët, të mesém të lartë dhe të lartë;
  - 1.8. Organizatat e shoqërisë civile (organizatave joqeveritare, shoqatat, klubet dhe organizatat formale dhe joformale);
  - 1.9. Familjet strehuese për fëmijët pa përkujdesje prindërore;
  - 1.10. Shtëpitë për mbrojtjen e fëmijës dhe
  - 1.11. Subjetet tjera që kanë përgjegjësitë me legjislacionin përkatës në fuqi.

### Neni 16 Roli i Qendrës për Punë Sociale

1. Qendra për Punë Sociale, ofron përkujdesje sociale dhe/ose këshillim në rr Ethanat kur një fëmijë është në nevojë për shërbime sociale dhe familjare dhe duhet të marrë çdo hap të

nevojshëm për ruajtjen e sigurisë së fëmijës dhe siguron që shërbimet e ofruara janë në përputhje me përgjegjësitë që përmban Ligji për shërbime sociale dhe familjare, Ligji dhe legjislacioni përkatës në fuqi.

2. Qendra për Punë Sociale identifikon rastet e fëmijëve që janë në situatë reziku apo në nevojë dhe ndërhyrje menaxhimin e rastit, së bashku me subjektet përkatëse deri në zgjidhjen përfundimtare.

3. Qendra për Punë Sociale sipas përgjegjësive të përcaktuara në Nenin 15 të Ligjit duhet që të:

- 3.1. koordinojë dhe organizojë sistemin e integruar të mbrojtjes së fëmijës në kuadër të komunës;
- 3.2. zbatojë politikat nacionale dhe lokale për mbrojtjen e fëmijës, duke përfshirë zbatimin e ndërhyrjeve dhe marrjen e masave për parandalimin dhe mbrojtjen e fëmijës nga abuzimi, neglizhimi, keqtrajtimi dhe dhuna;
- 3.3. shërbejë si qendër informacioni, ku fëmijët dhe familjet në kuadër të komunës, mund të informohen apo të referohen te shërbimet apo institucionet e tjera mbështetëse, sipas nevojave që ata kanë;
- 3.4. përcaktojë së paku një (1) zyrtar përkatës përgjegjës dhe të specializuar për të koordinuar masat dhe ndërhyrjet për mbrojtjen e fëmijës;
- 3.5. Ushtron çdo kompetencë tjetër, në përbushjen e mandatit që ka, sipas legjislacionit në fuqi.

4. Qendra për Punë Sociale mobilizon të gjitha subjektet për mbrojtjen e fëmijës përfunktionalizuar sistemin e integruar të mbrojtjes së fëmijës.

### Neni 17

#### Caktimi i Njësisë/Zyrtarit për mbrojtjen e fëmijës

1. Kryetari, me qëllim të përmirësimit dhe mbrojtjes së të drejtave të fëmijës si dhe të kryerjes së detyrave dhe përgjegjësive të përcaktuara me Ligj dhe këtë Rregullore, sipas vlerësimit të nevojave specifike të komunës, cakton Njësinë/Zyrtarin përkatës për mbrojtjen e fëmijës, nga radhët e punonjësve të QPS-së .

2. Kryetari, siguron që të ndahen burime të mjaftueshme nga buxheti për kryerjen e detyrave të Njësisë apo zyrtarit përkatës për mbrojtjen e fëmijës.

3. Njësia apo zyrtari përkatës për mbrojtjen e fëmijës i jep llogari:

- 3.1. Kryetarit, për koordinimin dhe raportimin lidhur me zbatimin e Ligjit për mbrojtjen e fëmijës dhe
- 3.2. Drejtorit të QPS-së, për mbajtjen në nivel të standardeve të praktikës profesionale dhe ushtrimin e kompetencave dhe përgjegjësive të përcaktuara me Ligj dhe me këtë rregullore.

4. Kryetari, në afat prej më së largu tre (3) muajsh pas hyrjes në fuqi të kësaj rregulloreje, cakton njësinë apo zyrtarin/ët përkatës për mbrojtjen e fëmijës.

## Neni 18

### Detyrat dhe përgjegjësitë e Njësisë apo Zyrtarit përkatës për mbrojtjen e fëmijës

1. Njësia apo Zyrtari përkatës për mbrojtjen e fëmijës, në kuadër të komunës, ka përgjegjësitë si në vijim:
  - 1.1. bashkëpunon, koordinon, monitoron, raporton, mbron, promovon zbatimin e Ligjit;
  - 1.2. ofron mbështetje në hartimin dhe zbatimin e politikave dhe planeve lokale për promovimin e të drejtave të fëmijës dhe mbrojtjen e fëmijës;
  - 1.3. mbështetë dhe promovon praktikat e mira dhe ndihmon në ngritjen e kapaciteteve të komunës për përkujdesjen dhe mbrojtjen e fëmijëve;
  - 1.4. informon dhe udhëzon, në formën verbale apo të shkruar, për të drejtat e fëmijës dhe për mjetet ligjore të disponueshme për mbrojtjen e fëmijës, për të gjithë punonjësit dhe personat të komunës;
  - 1.5. bashkëpunon dhe kryej detyrat dhe përgjegjësitë e veta në bashkërendim dhe koordinim me ZQM-në si dhe me institucionet tjera kompetente sipas Ligjit;
  - 1.6. prezanton një raport vjetor tek ZQM-ja sipas formatit të përcaktuar nga ajo për zbatimin e Ligjit në kuadër të komunës, duke përfshirë edhe raportin për zbatimin e Konventës pranë Komitetit për të drejtat e fëmijës në Gjenevë;
  - 1.7. bashkëpunon dhe mbështetë ZQM-në dhe institucionet përkatëse në hartimin e planeve relevante të veprimit lidhur me zbatimin e legjislacionit në fuqi për mbrojtjen e fëmijës;
  - 1.8. bashkëpunon me Komitetin Ndërministror për të Drejtat e Fëmijës për zhvillimin e politikave që kanë të bëjnë me të drejtat dhe mbrojtjen e fëmijës, zbaton rekomandimet e Komitetit, ofron të dhënat e këruara nga ZQM në emër të Komitetit, si dhe marrin pjesë në takimet e Komitetit, sipas ftesës dhe agjendës përkatëse;
  - 1.9. mbledh të dhëna statistikore lidhur me rastet e diskriminimit të fëmijës, si dhe të dhëna tjera për fëmijët në territorin e komunës;
  - 1.10. zhvillon aktivitete ndërgjegjësimi dhe edukimi lidhur me promovimin e Ligjit, si dhe të kryejë hulumtime, sondazhe në çështjet e të drejtave të fëmijës;
  - 1.11. publikon raporte dhe bën rekomandime për të vepruar në mbrojtjen dhe promovimin e të drejtave të fëmijëve, në mënyrë që institucionet përkatëse t'i shfrytëzojnë raportet dhe rekomandimet për të zhvilluar politika, plane të veprimit dhe buxhetin për fëmijë;
  - 1.12. shkëmben dhe siguron informata për Avokatin e Popullit, për çështjet që kanë të bëjnë me mbrojtjen e fëmijës dhe ato që u përkasin rekomandimeve të Avokatit të Popullit;

- 1.13. merr pjesë, sipas ftesës, në takimet e Këshillit të Drejtorëve të komunës dhe paraqet raportin, duke përshkruar në detaje punët e kryera për të cilat është përgjegjëse;
  - 1.14. përgatit vetëvlerësimet periodike, të cilat rezultojnë me veprime dhe politika që duhet të ndërmerrën nga Komuna, në mënyrë që të krijohet një Komunë mike ndaj fëmijës;
  - 1.15. siguron sistem komunikimi që mundëson shkëmbimin e informacionit ndërmjet institucioneve të komunës dhe institucioneve qendrore;
  - 1.16. siguron sistem komunikimi që mundëson shprehjen e mendimeve të fëmijëve, me pjesëmarrjen e fëmijëve, të cilat përfshihen në punën e qeverisjes në nivel komunal;
  - 1.17. bashkëpunon dhe koordinon mekanizmat në territorin e komunës që merren me mbrojtjen dhe të drejtat e fëmijëve;
  - 1.18. Përcakton treguesit dhe të dhënat për fëmijët dhe interesat e tyre, sipas prioriteteve të Komunës;
  - 1.19. bashkëpunon me tryza multidisiplinare për ndihmë në menaxhimin e rastit.
  - 1.20. bashkëpunon me Ekipin për të Drejtat e Fëmijës për zbatimin e planit për aftësimin prindëror dhe për cështjet tjera të ndërlidhura sipas legjislacionit në fuqi.
2. Administrata komunale, organet komunale dhe profesionistët për mbrojtjen e fëmijës, bashkëpunojnë dhe bashkërendojnë aktivitetet e tyre me Njësinë apo Zyrtarin përkatës për mbrojtje të fëmijës, për të koordinuar dhe raportuar zbatimin e Ligjit.

### Neni 19

#### Ekipi për të drejtat e fëmijës

1. Ekipi për të Drejtat e Fëmijës në nivel të vendimmarrjes politike në kuadër të komunës, ka përgjegjësitë e përcaktuara në Nenin 20 të Ligjit për mbrojtjen e fëmijës, që përcaktojnë:
  - 1.1. definimin e prioriteteve të komunës dhe masave të nevojshme që duhet ndërmarrë për përmirësimin e situatës së tanishme në lidhje me të drejtat dhe mbrojtjen e fëmijës dhe të koordinojë aktivitetet e nevojshme për zbatimin e tyre;
  - 1.2. koordinon dhe monitoron zbatimin e politikave dhe të masave përkatëse për zbatimin e Ligjit për mbrojtjen e fëmijës;
  - 1.3. kujdeset për zbatimin e rekomandimeve dhe vendimeve të nxjerra nga strukturat e parapara për mbrojtjen e fëmijës sipas Ligjit për mbrojtjen e fëmijës;
  - 1.4. vlerëson dhe siguron përputhshmërinë e politikave, akteve juridike dhe masave të tjera të ndërmarra nga Komuna me legjislacionin, politikat, Strategjinë për të Drejtat e Fëmijës dhe standartet ndërkombëtare për të drejtat dhe mbrojtjen e fëmijës;

- 1.5. zhvillimi i programeve, pér tē parandaluar pérfsfirjen e fémijës nē fenomene tē mundshme negative dhe ulur faktorët e rrezikut që mund tē rrezikojnë fémijët;
  - 1.6. rekomandon kryetarin e komunës pér ndërmarrjen e veprimeve tē mëtejme, tē nevojshme pér tē realizuar tē drejtat dhe sigurimin e mbrojtjes së fémijës nē pajtim me legjislacionin nē fuqi;
2. Mënyra e themelimit dhe funksionimit tē Ekipit pér tē drejtat e fémijës rregullohet sipas aktit nënligor tē miratuar nga Qeveria. Deri sa tē formohet nga qeveria themelimi i Ekipit pér tē drejtat e fémijëve bëhet përmes Zyrës së Kryetarit dhe propozimin e emrave pér pjesë tē Ekipit duhet ta bëjë njësia pér tē drejtat e fémijëve.
3. Kryetari nxjerrë vendirne pérkatëse dhe krijon kushtet e nevojshme Ekipit pér tē Drejtat e Fémijës, pér kryerjen e funksionit sipas Ligjit dhe aktit nënligor tē nxjerrë nga Qeveria dhe sipas nevojës Rregullores që do tē miratohet nē Kuvend.

### Neni 20

#### Asambleja Komunale e Fémijëve

1. Asambleja Komunale e Fémijëve pérfaqëson nē ményrë tē drejtpërdrejtë opinionet dhe pozitën e tē gjithë fémijëve nē Komunë dhe ka përgjegjësitë si nē vijim:
  - 1.1. siguron pjesëmarjen e fémijës pér tē pasqyruar nē ményrë tē drejtë opinionet dhe qëndrimet e fémijës, karshi moshës dhe pjekurisë së tyre, nē zhvillimin dhe realizimin e veprimeve nē fushën e arsimit, shkencës, kulturës, sportit, punës humanitare dhe aktiviteteve tē tjera me interes pér fémijët dhe komuniteten;
  - 1.2. avokon tek institucionet pérkatëse pér tē drejtat e fémijës dhe pér çështjet e ngritura nga vetë fémijët nē nivel lokal;
  - 1.3. bashkëpunon me këshillat drejtues tē shkollave, këshillat e prindërve, këshillat e nxënësve dhe komunitetin lokal;
  - 1.4. zhvillon dhe bashkëpunon me mekanizmat dhe organizatat tjera;
  - 1.5. ndihmon nē ngritjen e vetëdijes pér tē drejtat e fémijës, përgjegjësitë dhe gjithë pérfsfirja e interesave tē fémijëve/nxënësve;
  - 1.6. organizon aktivitete tē identifikuara nga vetë fémijët, dhe ato që kanë tē bëjnë me tē drejtat e fémijës;
  - 1.7. inkurajon fryskenë e paqes, tē dinjitetit, tolerancës, lirisë, barazisë dhe solidaritetit, nē shoqëri dhe tek fémijët;
  - 1.8. promovon vlerat shoqërore dhe nxitë ndjenjën pér t'u marri nē tē ardhmen me aktivitete institucionale dhe politike;
  - 1.9. siguron bashkëpunimin e nxënësve dhe mësuesve, edukatorëve dhe bashkëpunëtorëve profesionalë;
  - 1.10. informon nxënësit rreth çështjeve me rëndësi tē veçantë pér ta;
2. Asambleja Komunale e Fémijëve do tē funksionojë sipas Rregullores që do tē miratohet nē Kuvend.

## Neni 21

### Themelimi i tryezave multidisiplinare pér ndihmë në menaxhimin e rastit

Tryezat multidisiplinare pér ndihmë në menaxhimin e rasteve themelohen në nivel profesionistësh, dhe veprojnë mbi bazën e procedurave të detajuara në pajtim me aktin nënligjor që aprovohet nga Qeveria. Përgjegjësia pér themelin e tryezave multidisiplinare është e Zyrës së Kryetarit. Propozimin e profesionistëve pér përbërje të tryezave multidisiplinare e bën Drejtoria pér Shëndetësi dhe Mirëqenie Sociale në çdo fillim viti dhe jo më largë se 15 janari i vitit vijues.

## Neni 22

### Roli i personave fizikë dhe juridikë në ofrimin e shërbimeve pér mbrojtjen e fëmijës

1. Siç është përcaktuar në Nenin 23 të Ligjit pér mbrojtjen e fëmijës, personat fizikë dhe juridikë, mund të ofrojnë shërbime pér mbrojtjen e fëmijës.
2. Personat fizikë dhe juridikë, duke përfshirë edhe zyrtarët e punësuar në institucionet që ofrojnë shërbime pér mbrojtjen e fëmijës, duhet të licencohen sipas legjislacionit në fuqi dhe duhet t'i përmbushin kushtet dhe kriteret e përcaktuara.
3. Administrata dhe organet komunale, në fushëveprimin e tyre, mund të lidhin kontrata vetëm me personat fizikë dhe juridikë të licencuar apo që i përmbushin kushtet dhe kriteret e përcaktuara, pér ofrimin e shërbimeve të veçanta pér mbrojtjen e fëmijës.
4. Kontrata sipas paragrafit 3 të këtij nenit, duhet të jenë në pajtim me planet vjetore të komunës pér shërbime të mbrojtjes së fëmijës, përmes procedurave të kontraktimit sipas legjislacionit në fuqi.

## Neni 23

### Familjet strehuese pér fëmijët pa përkujdesje prindërore

1. Drejtori i Drejtorisë përkatëse pér Shëndetësi dhe Mirëqenie Sociale obligohet që të sigurojë që në territorin apo pér territorin e Komunës të ketë së paku tri (3) familje strehuese pér fëmijët pa përkujdesje prindërore, të vlerësuara, trajnuara dhe të aprovuara sipas standardeve të përcaktuara nga Ministria.
2. Ministria dhe Komuna i ofrojnë mbështetje materiale familjes strehuese pér përkujdesje pér fëmijën gjatë qëndrimit në strehim familjar, në pajtim me legjislacionin dhe standardet përkatëse në fuqi.
3. Familja strehuese nuk lejohet të ndaj asnje informatë me personat e paautorizuar, mediat dhe të tjerët lidhur me fëmijën gjatë qëndrimit dhe pas largimit nga qëndrimi në strehim familjar.

**Neni 24**  
**Shtëpitë për mbrojtjen e fëmijës**

Shtëpitë për mbrojtjen e fëmijës themelohen nga Ministria pranë Qendrave për Punë Sociale ku funksionojnë gjykatat dhe prokuroritë themelore sipas standardeve të përcaktuara nga ministria dhe aktit nënligjor të miratuar nga qeveria.

**Neni 25**  
**Pjesëmarrja aktive e fëmijëve**

1. Organet dhe administrata komunale, institucionet edukative-arsimore, kulturore dhe sportive, mbështesin dhe inkurajojnë krijimin dhe funksionimin e organizatave të fëmijëve dhe të rinjve, klubeve të artit, kulturës dhe sportit dhe sigurojnë forma të ndryshme të pjesëmarrjes aktive të fëmijëve në jetën shoqërore.
2. Kryetari nxjerrë vendimet përkatëse dhe i krijon kushtet e nevojshme për format e ndryshme të organizimit të fëmijëve, që janë në interesin më të mirë të fëmijës.

## **KAPITULLI V - BASHKËPUNIMI PËR MBROJTJEN E FËMIJËS**

**Neni 26**  
**Bashkëpunimi për mbrojtjen e fëmijës**

1. Mekanizmat për mbrojtje të fëmijës, bashkëpunojnë dhe koordinojnë punën ndërmjet tyre për identifikimin e çështjeve të zbatimit të masave dhe gjetjes së mënyrave me efektive për mbrojtjen e fëmijës si dhe për zbatimin e kësaj rregulloreje, Ligjit, Ligjit për shërbime sociale dhe familjare, legjislacionit në fuqi dhe të politikave shtetërore për të drejtat dhe mbrojtjen e fëmijës.
2. Mekanizmat për mbrojtje të fëmijës bashkëpunojnë me ministritë përkatëse dhe me palët e interesuara për hartimin e politikave dhe legjislacionit për ruajtjen e nivelit dhe përparimin e mbrojtjes së fëmijës si dhe zbatojnë politikat në fushën e mbrojtjes së fëmijës të përcaktuar nga ministritë përkatëse dhe legjislacionin përkatës në fuqi.
3. Mekanizmat për mbrojtje të fëmijës, bashkëpunojnë me Qeverinë, institucionet e drejtësisë, policinë, prokurorinë, gjykatat, shërbimin sprovues dhe shërbimin korrektyes, Avokatin e Popullit, Zyrën për Mbrojtje dhe Ndihmë Viktimave dhe insitucionet tjera në përputhje me legjislacionin në fuqi.

**Neni 27**  
**Bashkëpunimi ndër-komunal**

1. Për ushtrimin më efikas dhe më efektiv të mbrojtjes së fëmijës, komuna ka të drejtë të hyjnë në marrëdhënie bashkëpunimi me dy apo më shumë komuna të Republikës së Kosovës në pajtim me format, kushtet dhe procedurat e përcaktuara me Ligjin për bashkëpunim ndërkombinal.
2. Nismat për vendosjen e bashkëpunimit ndërkombinal nga paragrafi 1 i këtij neni, të ndërmarra nga palët me të drejtë nisme, Kryetari, 1/3 e anëtarëve të Kuvendit, së paku 5 % e qytetarëve të komunës me të drejtë vote apo nga Qeveria, merren me prioritet nga administrata dhe organet komunale.
3. Dispozitat e Ligjit për bashkëpunim ndërkombinal vlejnë edhe për të gjitha format e bashkëpunimit ndërkombinal për mbrojtjen e fëmijës. Këto marrëveshje nënshkruhen nga kryetarët dhe miratohen nga kuvendet komunale që janë pjesëmarrëse në bashkëpunimin ndërkombinal. Marrëveshja e bashkëpunimit ndërkombinal bëhet e plotfuqishme pas vlerësimit të ligjshmërisë së saj nga Ministria përgjegjëse për qeverisje lokale dhe publikimit të marrëveshjes në Gazeten Zyrtare.

#### Neni 28

#### Bashkëpunimi me organizatat joqeveritare për mbrojtjen e fëmijës

1. Organet dhe administrata komunale:
  - 1.1. bashkëpunojnë me organizatat joqeveritare për realizimin e politikave për të drejtat e fëmijës, si dhe për ofrimin e shërbimeve të nevojshme për mbrojtjen e tyre, në pajtim me këtë rregullore dhe aktit nënligjor të përcaktuar nga Qeveria;
  - 1.2. sigurojnë, inkurajojnë dhe mbështesin pjesëmarrjen e organizatave joqeveritare në çështjet e mbrojtjes e fëmijës dhe në aktivitetet planifikuese dhe zbatuese si dhe u ofrojnë këshilla dhe udhëzime organizatave që kërkojnë të ndërmarrin aktivitete të tillë.
  - 1.3. Mbajnë komunikime të rregullta me organizatat e shoqërisë civile në mënyrë që të sigurohet një situatë e qartë e fërnijëve në komunë nga një perspektivë tjetër.
2. Organizatat joqeveritare të licencuara nga Ministria, sigurojnë shërbimet përkatëse të nevojshme për mbrojtjen e fëmijës, qoftë me nismën e tyre ose me kontratë.
3. Administrata dhe Organet komunale mund të hyjnë në kontrata me organizatat joqeveritare për ofrimin e shërbimeve të veçanta sociale dhe familjare brenda territorit të tyre. Kontratat e tillë duhet të jenë në pajtim me planet vjetore të komunës për shërbime sociale dhe familjare në territorin e saj.

#### KAPITULLI VI -

#### PROMOVIMI I TË DREJTAVE TË FËMIJËS

#### Neni 29

#### Promovimi i të drejtave të fëmijës

1. QPS, Njësia apo Zyrtari përkatës për mbrojtjen e fëmijës dhe administrata komunale, ndërmarrin masa konkrete, në mënyrë që të promovohen, mbrohen dhe respektohen të drejtat e fëmijëve, përmes, lansimit të fushatës së promovimit lidhur me të drejtat e fëmijës dhe hartimit të programeve të trajnimit dhe organizimin e trajnimeve për të drejtat e fëmijëve për ngritjen e kapaciteteve të zyrtarëve që merren me të drejtat e fëmijëve dhe për persona të cilët punojnë me fëmijë ose për fëmijë në nivel komunal;
2. Kujdes i veçantë duhet kushtuar promovimit të:
  - 2.1. mbrojtjes së fëmijëve nga të gjitha format e dhunës;
  - 2.2. mbrojtjes së fëmijëve nga dhuna e shfaqur qoftë nga personeli arsimor, bashkëmoshatarët;
  - 2.3. ndalimit të gjuhës së urrejtjes, dhunës, jo tolerancës, diskriminimit dhe formave tjera që nxisin konflikte ndër njerëzore;
  - 2.4. ndalimit të praktikave dhe zakoneve diskriminuese ndaj fëmijës;
  - 2.5. inkurajimit të mësim-nxënien gjatë gjithë jetës, të zhvillimit të respektit të fëmijës për identitetin kulturor, për gjuhën dhe vlerat kombëtare, respektin për kulturat e ndryshme si dhe respektin për ruajtjen e mjedisit;
  - 2.6. kujdesit shëndetësor parandalues që siguron zhvillim optimal të fëmijës;
  - 2.7. mbrojtjes së fëmijëve nga përdorimi i substancave narkotike, alkoolit, produkteve të duhanit, produkteve toksike, substancave psikotrope dhe substancave të tjera që janë të deklaruara të dëmshme nga autoritetet përkatëse;
  - 2.8. mbrojtjes së fëmijëve nga hyrja në klubet e natës, lokalet e lojërave të fatit, qasja në lojërat e fatit online si dhe në qendrat argëtuese për të rritur dhe të ngjashme.
  - 2.9. mbrojtjes së fëmijëve nga publikimet, filmat, video lojërat, muzika, transmetimet ose llojet e tjera mjetet e komunikimit masiv, të cilat janë të dërmshme për shëndetin, mirëqenien dhe zhvillimin e tyre;
  - 2.10. mbrojtjes së fëmijëve nga ndikimet e mundshme negative që ekspozimi ndaj medieve mund të ketë mbi fëmijën;
  - 2.11. eliminimit të diskriminimit dhe paragjykimeve ndaj fëmijës me aftësi të kufizuara.
  - 2.12. Mbrojtjes së fëmijës nga rrëmbimi, trafikimi, shitja dhe çdo formë e shfrytëzimit dhe e abuzimit seksual, duke përfshirë veprimtarinë e paligjshme seksuale, shfrytëzimin e fëmijës në prostitucion ose në praktika të tjera seksuale të paligjshme, ekspozimi, shfaqja ose përfshirja në materiale pornografike ose abuzimi seksual me fëmijë, sipas përcaktimeve të Kodit Penal dhe akteve të tjera në fuqi;
  - 2.13. Mbrojtjes së fëmijës nga shfrytëzimi ekonomik dhe Puna e ndaluar për fëmijë, dhe
  - 2.14. Masave kundër faqeve të internetit me përbajtje pornografike dhe të atyre që dëmtojnë shëndetin dhe jetën e fëmijëve.

**Neni 30**  
**Seanca/t vjetore për të drejtat e fëmijëve**

1. Kuvendi organizon të paktën një (1) seancë vjetore, për t'i diskutuar çështjet e të drejtave të fëmijëve.
2. Në seancën/at vjetore për të drejtat e fëmijëve secili drejtor i drejtorisë komunale raporton për çështjet, veprimet dhe masat që janë në përgjegjësinë e tij dhe që kanë të bëjnë më të drejtat e fëmijëve, si dhe paraqet aktivitetet që janë ndërmarrë për realizimin e Planit vjetor për të drejtat e fëmijës.
3. Në Seanca/t vjetore për të drejtat e fëmijëve marrin pjesë edhe përfaqësues të shoqërisë civile, Ekipit për të Drejtat e Fëmijës, Asamblesë së Fëmijëve dhe kanë të drejtë të parashtrojnë pyetje.
4. Seanca/t vjetore për të drejtat e fëmijëve organizohen në koordinim me Njësinë/zyrtarin përkatës për mbrojtjen e fëmijëve.

**Neni 31**  
**Ditët mike për fëmijë**

1. Nën patronatin e Kryetarit të Komunës organizohen dhe mbahen "Ditët mike për fëmijë".
2. Gjatë këtyre ditëve organizohen aktivitete të ndryshme me pjesëmarrjen e subjekteve të ndryshme që merren me mbrojtjen e të drejtave të fëmijës.
3. Kryetari i Komunës me vendim i cakton datat e "Ditëve mike për fëmijë" në Komunë dhe përcakton përgjegjësitë e mekanizmave përkatëse për detyrat e tyre në këto ditë dhe aktivitetet konkrete që duhet ndërmarrë.

## **KAPITULLI VII – Dispozitat përfundimtare dhe kalimtare**

**Neni 32**  
**Përgjegjësia individuale**

Çdo person fizik dhe juridik mban përgjegjësi në bazë të dispozitave të kësaj rregulloreje dhe të legjislacionit përkatës për mbrojtjen e fëmijës kur, me veprimet ose mosveprimet e tij, ka bërë shkeljen.

**Neni 33**  
**Buxhetimi për fëmijë**

1. Për t'i përmbushur të drejtat dhe detyrimet e përcaktuara në këtë rregullore dhe me legjislacionin përkatës që ka të bëjë me mbrojtjen e fëmijës, organet dhe administrata përkatëse komunale, gjatë fazës së hartimit të buxhetit komunal planifikojnë buxhet për aktivitetet të ndryshme që kanë të bëjnë me mbrojtjen e fëmijës si dhe sigurojnë burime njerëzore, financiare dhe logistike të nevojshme.

2. Komuna e planifikon buxhetin komunal, i cili është transparent dhe bazohet ne konsultime me palët, duke i përfshirë edhe fëmijët. Ky buxhet i reflekton nevojat për ndarjen e burimeve për fëmijë ne te gjitha aspektet e qeverisjes komunale.

3. Administrata dhe organet komunale zhvillojnë një proces për analizimin e nevojave te buxhetimit për fëmijët e komunës, bazuar në procesin e vlerësimit dhe raportimit. Ky proces përfshinë:

- 3.1. analizën e buxhetit të përgjithshëm komunal për të vlerësuar pjesën e shpenzuar për fëmijë dhe sa kanë përfituar fëmijët nga investimet publike të Komunës;
- 3.2. ndarjen e përqindjes së nevojshme, bazuar në Planin e veprimit për mbrojtjen e fëmijëve, nga granti i përgjithshëm, te ndarë nga Qeveria për Komunë; Sa duhet të jetë kjo % në bazë të përvojave të vendeve tjera dhe standardeve buxhetore.
- 3.3. analiza adekuate të buxhetit te përgjithshëm komunal dhe elementet brenda tij, ne mënyrë qe te zbulohet pjesa qe është shpenzuar për fëmijë dhe te shfrytëzohen produktet e zhvilluara për të investuar në fëmijë;
- 3.4. analizën e ndarjes buxhetore për fëmijë ndër vite dhe tregon trendet e ndarjeve buxhetore për fëmijë.

4. Kryetari bashkëpunon me Ministrinë dhe me donator të ndryshëm për priorititetet për mbrojtjen e fëmijës, dhe marrjen e fondevës për mbrojtjen e fëmijëve.

#### Neni 34

#### Ngritja e kapaciteteve për mbrojtjen e fëmijës

1. Për të siguruar ofrimin e një shërbimi cilësor dhe efektiv për mbrojtjen e të drejtave të fëmijës, të gjithë punonjësit e komunës, vecanarishtë punonjësitë që kanë përgjegjësi direkte në mbrojtjen e fëmijës, janë të obliguar të ndjekin trajnime dhe aktivitete që synojnë të zhvillojnë kapacitetet e tyre në fushën e mbrojtjes së fëmijës si dhe të venë në shfrytëzim, në punën e tyre të përditshme, njojurinë dhe dijen e përfstuar.

2. Organet komunale duhet të luajnë rol të vazhdueshëm dhe proaktiv që të jenë në hap me mbrojtjen dhe promovimin e të drejtave të fëmijës dhe në këtë drejtim organizojnë apo inkurajon zyrtarët komunal për pjesëmarrje në trajnime për aspekte të të drejtave të fëmijës dhe buxhetimit për fëmijë.

3. Punonjësit që kanë përgjegjësi në mbrojtjen e fëmijës, trajnohen në nivel teorik dhe praktik, duke përdorur metodologjinë "mësimi nëpërmjet punës".

#### Neni 35

#### Informimi në interes të fëmijës

1. Zyra përkatëse për informim në Komunën e Malishevës, në bashkëveprim me QPS-në dhe Njësinë apo Zyrtarin përkatës për mbrojtjen e fëmijës, përmes fushatave, ligjeratave publike si dhe materialeve të ndryshme promovuese për ngritjen e vetëdijes për të rriturit e fëmijët,

krijojnë një sistem të informimit pér têrësinë e shërbimeve që ofrohen pér fëmijë dhe informata të tjera të cilat janë në interes të fëmijës.

2. Organizatat e shoqërisë civile inkurajohen dhe përkrahen që të monitorojnë, promovojnë dhe informojnë pér të drejtat e fëmijës.

**Neni 36**  
**Raporti pér zbatimin e rregullores**

1. Njësia/Zyrtari përkatës pér mbrojtjen e fëmijës monitoron zbatimin e kësaj rregulloreje dhe nxjerrë raporte vjetore.
2. Obligohen të gjitha njësítë përkatëse të komunës pér ofrimin e të dhënave të kérkuara nga Njësia/Zyrtari përkatës pér mbrojtjen e fëmijës.

**Neni 37**  
**Zbatimi**

1. Përgjegjësia në radhë të parë pér zbatimin e kësaj rregulloreje është pér organet dhe administraten komunale të Komunës së Malishevës.(duhet te cekën cilat organe)
2. Zbatimi i kësaj rregulloreje sigurohet nga Kryetari, me mbështetjen e Zëvendës kryetarit.
3. Kryetari mund të nxjerrë Vendime pér zbatimin e kësaj Rregulloreje.
4. Administrata dhe Organet komunale janë të obliguara që pas hyrjes në fuqi të kësaj rregulloreje, t'i marrin të gjitha masat e nevojshme pér krijimin e mekanizmave pér zbatimin e kësaj rregulloreje dhe kryerjen e të gjitha detyrave dhe përgjegjësive përkatëse.
4. Subjektet pér mbrojtjen e fëmijës janë të obliguara që pas hyrjes në fuqi të kësaj rregulloreje, t'i marrin të gjitha masat e nevojshme pér kryerjen e të gjitha detyrave dhe përgjegjësive përkatëse.

**Neni 38**  
**Interpretimi i Rregullores**

1. Kjo rregullore duhet interpretuar dhe zbatuar brenda kuadrit të Kushtetutës, Konventës dhe Ligjit pér Mbrotjen e Fëmijës.
2. Në të gjitha rastet kur ka kundërthënie të kësaj Rregulloreje me Ligjet dhe dispozitat e Statutit të Komunës do të zbatohen dispozitat e ligjeve dhe statutit.

**Neni 39**  
**Publikimi**

1. Kjo rregullore publikohet në gjuhët zyrtare dhe gjuhët në përdorim zyrtarë.

2. Kjo rregullore dhe ndryshimet e mëpasshme të saj publikohen ueb faqen e komunës dhe në "Gazetën Zyrtare".

**Neni 41**  
**Përgatija e Planit vjetor për të drejtat e fëmijës**

1. Organet e përcaktuara në këtë rregullore janë të obliguara që të përgatisin Planin vjetor për të drejtat e fëmijës, duke marrë parasysh nevojat dhe specifikat e fëmijëve në Komunën e Malishevës si dhe duke marrë parasysh mundësitë buxhetore dhe kohën në dispozicion, duke toleruar shmangien nga standardet e përcaktuara në këtë Rregullore. Të adresohet saktë se cilat organe janë përgjegjëse për të përgatitur PV për të drejtat e fëmijës.
2. Përgatitja e Planit të parë vjetor për të drejtat e fëmijës, duhet të shërbejë për analiza përkatëse në mënyrë që në vitet pasuese të respektohen kërkesat e përcaktuara në këtë Rregullore.

**Neni 42**  
**Hyrja në fuqi**

1. Pas miratimit nga ana e Kuvendit të Komunës së Malishevës, kjo Rregullore hyn në fuqi 15 ditë pas dërgimit në autoritetin mbikëqyrës, konform nenit 81 të Ligjit nr.03/L-040 për Vetëqeverisjen Lokale, nenit 8, lidhur me nenin 9 të Rregullores (QRK) nr.10/2019, për shqyrtimin administrativ të akteve të Komunave, dhe pas shpalljes publike në tabelën e shpalljeve ose ueb-faqen e Komunës.

Malishevë më datë: 03.12.2020

